

20  
DE PERFECTIO  
NE IN GENERE

Y




2

9

CONGREGAT

CROC. M. V.

ASSUMPTAE



115018-115021

1

*Sar anoma*



## ORATIO

R. P. PETRI RIBADENEIRÆ  
AD B. PATREM IGNATIVM,  
pro Patribus & Fratribus  
Societatis IESV. 715021



Pater mi dulcissime, Sacerdos sancte, Confessor illustris, Dux generose, minister Dei fidelis, tot filiorum patriarcha gloriose: O IGNATI amabilissime, sæculi nostri gloria, Religionis tuæ ornamentum, Ecclesiæ sanctæ Catholicæ præsidium & tutela, quam per te & tuos filios amplificasti, & etiamnum propugnare, & amplificare non desistis: Pater quem inter cæteros Dei amicos & electos, peculiari amore & obsequio anima mea veneratur: in quem post sanctissimam Deigenitricem, Angelumq; meum custodem, singularem fiduciæ meæ anchoram defixi: ad te confugio; ad te vocem meam dirigo; pedibus tuis prouolutus, tuum in hac lachrima-

A

rum

Oratio

rum valle; & peccatorum, ac miseriarum meo-  
rum abyſſo, ſuplex auxilium imploro.

Anima ſancta, oculos pietatis tuæ, in hanc  
animam peccatricem flecte. aſpice, Pater dul-  
ciſſime, benignius, hunc inutilem, & imper-  
fectiſſimum filium tuum: Et qui iam in portu  
ſecurus gaudes; memineris adhuc nauiganti-  
um, in hoc tempeſtatum periculorumq; pe-  
lago: quiq; iam victoriæ palmam tenes; por-  
rige manum militibus tuis, tot inimicorum  
telis expoſitis, & anguſtiis vadiq; circumual-  
latis.

Per illam ego te ineffabilem Gratiam, qua  
te vanitatibus immerſum, & obuolutum,  
Dominus præuenit & vocauit; in nouum ho-  
minem mutauit, & confirmauit; elegit, & glo-  
riofum in cælo & in terra effecit; peto, rogo,  
& q; obteſtor; vt mihi innumerabilem, & gra-  
uium peccatorum meorum veniam impetres  
quibus diuinam offendi Maiestatem, prius-  
quam te Magiſtrum, & Patrem complecterer;  
priusquam radiis Diuinæ vocationis collu-  
ſtratus, cæli lumen aſpicerem, & animæ meæ  
miferandum ſtatum agnoſcerē, & abhorrerem  
Per illum ego te Spiritum admirabilem, &  
planè

Ad B. Patrem Ignatium.

planè Diuinum, quo te Dominus compleuit,  
ac locupletauit, ad sustinendos, stupendâ a-  
nimi constantiâ, omnes Paupertatis & nudi-  
tatis, pœnitentiæ & asperitatis iētus; omnes  
persecutionum & afflictionum. laborum &  
periculorum, dolorum, contumeliarum &  
iniuriarum impetus, quos pro ipsius amore  
gloriosè totâ vitâ sustulisti: rogo, vt per te mi-  
hi idem Dominus, per quem hæc tu superasti,  
omnes fragilitatis, sensualitatisq; defectus i-  
gnoscat; & deinceps ita spiritum meum humi  
iacentem erigat, ac roboret, vt tuis aliquanta-  
lum vestigiis insilire valeam.

Per illam te Sapientiam & diuinam lucem,  
quâ Deus animam tuam illustrauit & exorna-  
uit; ideamq; huius quam fundasti Religionis  
iniiecit; normamq; instituti, ac vitæ adeò san-  
ctæ, adeò perfectæ, & omnibus partibus abso-  
lutæ, adeò humanæ imbecillitati proportio-  
natæ, & hisce calamitosiss temporibus accom-  
modatæ, ostendit: humillimè deprecor te,  
Pater amantissime, vt mihi, & omnibus tuis  
filiis, præsentibus & futuris obtineas à fonte  
& Pare luminum, à quo tu illud immortale  
iubar hausisti, lucem mentis; vt intueamur lu-  
men ad-

### Oratio

men admirabile, & Diuinum splendorem huius Diuini instituti; intuendoq; illud amemus, magnificiamus, & summa animi curâ & contentione compleamus, quod à tam excellâ, & liberali manu dimanauit.

Per illum amorem infinitum, & viscera pietatis, quo Dominus te tot filiorum parentem, & huius minimæ Societatis Fundatorem esse voluit, eamq; spiritu, prudentiâ, & virtute tuâ, per vniuersum orbem terrarum diffudit, & expandit, vt sese Filii tui, hæreticorum conatibus opponerent; infidelium mentes, si Dei lumine imbuerent; Catholicos & Christianos, in solidum virtutis restituerent; fructum demum ferrent admirandum, quem summâ animi iucunditate vbiq; terrarum contemplantur: rogo, vt ab eodem Domino petas, vt hæc cepta dexteræ illius promoueat, atq; perficiat; spiritum Patris zelantem & ardentem, in nobis filiis tuis excitet, renouet; omnesq; Paupertatis spiritu conuestiat, nostriq; ac mundi despicientiâ muniat: caritate ardenti & solidâ, ad frangendas pro eius amore omnes difficultates & pericula, quæ in hac gloriosâ expeditione sese nobis opponent, confirmet.

Impetra

Ad B. Patrem Ignatium.

Impetra nobis studium orationis continuæ & feruentis, seueram discretamq; affectionum mortificationem : conuersationem inter nos amantem, pacificam, & sinceram cum proximis modestam, circumspectam, grauem, spiritualem, & gratam; puritatem, & castimoniam Angelicam; sitim lucrandi animas inexplebilem, desideriumq; pro earum salute, labores, persecutiones, iniurias patiendi inflammatum : patientiam inuictam : mansuetudinem benignam, perseuerantiam vsq; ad finem spiritum deniq; tuum, & gratiam adeò vniuersalem, & perfectam, vt si non sit tuæ æqualis at sit filia, & tuæ non absimilis, quam tu à Patre, & Domino nostro, pro te, & pro nobis accepisti. Largire nostris Superioribus, spiritum verè paternum, & spiritualem : subditis, perfectæ Obedientiæ : Doctoribus, sapientiæ : Discipulis, humilitatis : Concionatoribus, Zeli secundum scientiam : Confessariis, commiserationis, & efficaciz ad curandas peccatorum plagas : iis, qui inter hæreticos versantur, fidei & constantiz : iis, qui pro amore Dei relictâ patriâ, spretisq; omnibus huius mundi commoditatibus, per tot discrimina

## Oratio


maris & terræ, nouum peregrinantur in Orbem, vt cæcas animas luce Euangelicâ illuminent, Spiritum Apostolicum, & inuictum animi robur; nostris Nouitiis solidâ & perfectam vocationis tam sanctæ cognitionem, & æstimationem: Coadiutoribus, deuotam humilitatem, & humilem deuotionem. Et super omnia, largire nobis puram illam, & sinceram in rebus omnibus intentionem: vt nimirum in omnibus nostris actionibus, Maiorem Dei Gloriam quæramus, quam tu semper intendisti & quæsiuisti, & eam velut scopum vnicum, medullam, radicem, ac fundamentum huius tui instituti esse voluisti. O Pater sancte, O Pater beate, omnibus his tuis filiis, partem tui spiritus communica, quæ quantumuis parua fuerit, sat erit pro omnibus: & quantumuis nobiscum diuidas, nihil de tuo spiritu detrahes, sed totum tibi etiam seruabis imminutum, integrum: non secus ac Moyles spiritum quem diuisit in septuaginta duos. Largire, inquam, nobis nam tamet si Dominum autorem, & fontem donorum omnium agnoscimus, à quo descendit, quicquid boni & perfecti est in cœlo & interâ: tu tamen adeò illi  
fonti


Ad B. Patrem Ignatium.

fonti vitæ inhæres, adeoq̄, Diuinis oculis placet : vt minimè dubitemus quin quicquid petieris, sis obtenturus in salutem filiorum, quos ipsemet Dominus tibi dedit, Qui viuit & regnat in sæcula sæculorum. Amen.









Biblioteka Jagiellońska



stdr0007262

9

